



ՀԱՂՈՐԴԱԳՐՈՒԹՅՈՒՆ

Սույն թվի փետրվարի 1—4 օրերին պաշտոնական աջյով Մայր Աթոռում էլ զտնվում եկեղեցիների համաշխարհային խորհրդի ընդհանուր քարտուղար դուկտ. Էժեն Կարսոն Բլեյկը: Մեծարգո հյուրին ուղեկցում էին ուսս պրավալալ եկեղեցու կողմից հոգեշնորհ հայր Կիրիլ վարդապետը և թարգման Սերգեյ Գորդենկը:

Փետրվարի 1-ին, երեքշաբթի օրը, ժամը 17-ին, հարգարժան հյուրերին դիմավորելու և բարի գալուստ մաղթելու համար Երևանի օդանավակայան էին եկել Մայր Աթոռի ներկայացուցիչներ գերաշնորհ տ. Հուսիկ եպիսկոպոս Սանթրոյանը, տ. Գևորգ վարդապետ Սերայդարյանը, Մայր Աթոռի միջեկեղեցական հարաբերությունների ընդհանուր քարտուղար Պարզև Շահբազյանը, Մայր Աթոռի դիվանապետ Հայկ Առաքելյանը և Հակոբ սարկավազ Գյուկչյանը:

Հյուրերին դիմավորելու համար օդանավակայան էր եկել նաև ՀՍՍՀ Մինիստրների սովետին առընթեր հայ եկեղեցու գործերի խորհրդի նախագահի տեղակալ պրն. Սուրեն Հովհաննիսյանը:

Ժամանումից հետո հյուրերը առաջնորդվեցին Մայր Աթոռ և ընդունվեցին Ամենայն Հայոց Վեհափառ Հայրապետի կողմից: Նորին Սրբության և դուկտ. Բլեյկի միջև տեղի ունեցավ զրույց՝ Էկումենիկ շարժման և հայ եկեղեցուն վերաբերող հարցերի շուրջ:

Երեկոյան, ընթրիքից հետո, հյուրերը մեկնեցին Երևան՝ «Արմենիա» հյուրանոցում իրենց հատկացված հարկաբաժինները:

Փետրվարի 2-ին, չորեքշաբթի օրը, հյուրերը այցելեցին ս. Մեսրոպ Մաշտոցի անվան պետական Մատենադարան, Երևանի ս. Սարգիս առաջնորդանիստ եկեղիցի, Եղեռնի հուշարձան, Էրեբունի թանգարան, այնուհետև տղան Օշականում և իրենց հարգանքը մատուցեցին ս. Մեսրոպի շիրիմին:

Նույն օրը, կեսօրին, Վեհարանում, ի պատիվ մեծարգո հյուրի, տրվեց պաշտոնական ճաշկերույթ, որին ներկա էին ՀՍՍՀ Մինիստրների սովետին առընթեր հայ եկեղեցու գործերի խորհրդի նախագահ պրն. Սարգիս Գասպարյանը, նախագահի տեղակալ պրն. Սուրեն Հովհաննիսյանը, Գերագույն հոգևոր խորհրդի անդամները և Մայր Աթոռի միաբանության ու պաշտոնեության ներկայացուցիչները: Ճաշկերույթի ընթացքում փոխանակվեցին քաժականատեր:

Երեկոյան Մայր տաճարում տեղի ունեցաւ համատեղ Էկումենիկ աղոթք, որից հետո Նորին Սուրբ Օծուքունը ջերմ խոսքերով ողջունեց պատվարժան հյուրի ներկայութիւնը Մայր Աթոռում՝ դրվատելով նրա մատուցած ծառայութիւնները Էկումենիկ շարժման զարգացման և քրիստոնեական եկեղեցիների միութեան ամրապնդման գործին իբրև եկեղեցիների համաշխարհային խորհրդի ընդհանուր քարտուղար:

Վերջում, ի պատիվ հարգելի հյուրի, Մայր տաճարում տեղի ունեցաւ հոգևոր համերգ Մայր տաճարի երգչախմբի կատարմամբ՝ ղեկավարութեամբ խմբավար պրն. Խորեն Մեխանեջյանի: Կատարվեցին հայկական, ռուսական և արևմտաեվրոպական եկեղեցական երգեր:

Փետրվարի 3-ին, հինգշաբթի օրը, առաւոյտյան ժամը 11-ին, դոկտ. Բլեյկը իր ողեկիցներով մեկնեց ս. Գեղարդի վանք, որտեղ արժանացաւ ջերմ ընդունելության: Վերադարձին հյուրերը դիտեցին մահ Գառնիի վերակառուցվող հեթանոսական տաճարը:

Նույն օրը, երեկոյան ժամը 18-ին, դոկտ. Բլեյկը ներկա եղաւ հոգևոր ճամարանում իր պատվին կազմակերպված ռւսաճողական հանդեսին:

Փետրվարի 4-ին, ուրբաթ օրը, բարձրաստիճան հյուրը և նրան ողեկցող անձինք այցելեցին ս. Հռիփսիմեի տաճար, ապա դիտեցին Հին Վեհարանի թանգարանը և Մայր Աթոռի տպարանը:

Ժամը 3-ին Վեհարանում տրվեց ողջերթի ճաշկերույթ, որից հետո Վեհափառ Հայրապետի և դոկտ. Բլեյկի միջև տեղի ունեցաւ զրոյց սրտագին և ջերմ մթնոլորտում:

Ժամը 17-ին հյուրերը, հրաժեշտ առնելով Վեհափառ Հայրապետից, ողեւորվեցին օդանավակայան՝ մեկնելու Մոսկվա:

Բարձրաստիճան հյուրերին օդանավակայանում ողջերթ մաղթեցին Մայր Աթոռի ներկայացուցիչները և ՀՍՍՀ Միւնիստրների սովետին առընթեր հայ եկեղեցու գործերի խորհրդի նախագահի տեղակալը:

ԴԻՎԱՆ ՄԱՅՐ ԱԹՐՈՒԻ

5-ը փետրվարի 1972 թ.,

Ա. Էջմիածին

